



## BASES SELECCIÓN PARTICIPANTES PROGRAMA LUGOTERMAL

A Deputación de Lugo ten como un dos seus obxectivos principais promover o benestar social dos seus cidadáns, en cumprimento do establecido no artigo 50 da Constitución Española, o cal sinala que os poderes públicos promoverán o benestar mediante un sistema de servizos sociais que atenderán seus problemas específicos de saúde, vivenda, cultura e lecer.

Ase mesmo, a Lei 7/1985, de 2 de abril, reguladora das Bases do Réxime Local no seu artigo 36 establece as competencias propias das Deputacións que serán as que lle atribúan en este concepto as leis do Estado e das Comunidades Autónomas nos diferentes sectores de la acción pública, establecendo, entre outras, cooperación no fomento do desenvolvemento económico e social, e asegurar o acceso da poboación da Provincia ao conxunto dos servizos mínimos de competencia municipal. Neste senso, a Lei 5/1997, de 22 de xullo, reguladora da Administración Local de Galicia, establece como competencias das Deputacións no artigo 109. d) o fomento e a administración dos intereses peculiares da provincia.

A Lei 13/2008, do 3 de decembro, de servizos sociais de Galicia (LSSG), ten por obxecto estruturar e regular, como servizo público, os servizos sociais nesta Comunidade Autónoma de Galicia para a construción do sistema galego de benestar, entendendo por servizos sociais o conxunto coordinado de prestacións, programas e equipamentos destinados a garantir a igualdade de oportunidades no acceso á calidade de vida e á participación social de toda a poboación galega, mediante intervencións que permitan o logro de diversos obxectivos, entre os que se atopan: previr a aparición de calquera situación de dependencia, exclusión, desigualdade ou desprotección e promover e garantir o dereito universal da cidadanía galega ao acceso aos servizos sociais, garantindo a suficiencia orzamentaria que asegure a súa efectividade.

Ase mesmo, a citada LSSG establece que as competencias das deputacións provinciais, de conformidade co previsto na normativa de réxime local, proporcionarán asistencia económica, técnica e xurídica aos concellos na execución das seus competencias en materia de servizos sociais, especialmente na prestación de servizos sociais comunitarios básicos por aqueles concellos con menos de vinte mil habitantes

Coa entrada en vigor da Lei 27/2013, de 27 de decembro, de racionalización e sustentabilidade da Administración Local (LRSAL), establececese que as entidades locais non asuman competencias que non lles atribúe a lei e para as que non contén co financiamento adecuado. Por tanto, só poderán exercer competencias distintas das propias ou das atribuídas por delegación cando non se poña en risco a sustentabilidade financeira do conxunto da Facenda local.

En virtude de que a Comunidade Autónoma de Galicia ten atribuída a competencia exclusiva en materia de réxime local, de acordo co artigo 27 do seu Estatuto de autonomía, así como de acordo co seu artigo 49 a tutela financeira sobre os entes locais, respectando a autonomía que a estes recoñécenlles os artigos 140 e 142 da Constitución e de conformidade co artigo 27.2 do Estatuto, ditouse a Lei 5/2014, do 27 de maio, de medidas urxentes derivadas da entrada en vigor da LRSAL, a cal no seu artigo 3 establece en relación as competencias das entidades locais distintas das propias e das atribuídas por delegación, no seu apartado 3. a) que non se entenderá como exercicio de novas competencias a continuidade **na prestación dos servizos xa establecidos**, sendo este o caso que nos ocupa, xa que os



programas de termalismo lévanse desenvolvendo por parte desta Deputación dende o ano 2011 nas súas diferentes edicións, dirixidos as persoas maiores empadroadas en calquera concello da provincia de Lugo, en colaboración cos balnearios autorizados pola autoridade competente para utilizar as augas minero-medicinales declaradas de utilidade pública con fins terapéuticos e preventivos para a saúde, na provincia de Lugo, segundo o establecido no artigo 22 da Lei 5/1995, de 7 de xuño, de regulación das augas minerais, termais, de manancial e dos establecementos balnearios da Comunidade Autónoma de Galicia,

A Deputación de Lugo pretende levar a cabo, un ano mais, un programa preventivo da dependencia e da promoción da autonomía persoal, potenciando o envellecemento activo a través do termalismo, denominado "LugoTermal". Este programa terá como obxectivo principal a mellora da calidade de vida das persoas participantes, cun carácter preventivo da dependencia e da promoción da autonomía persoal a través dos tratamentos/técnicas termais, estando dirixido a persoas que teñan 55 anos o mais e que se topen empadroadas nalgún concello da provincia de Lugo, podendo levar consigo unha persoa en calidade de acompañante, que non cumpra os requisitos sinalados.

Co obxecto de seleccionar ao participantes deste programa redáctanse as presentes bases de selección para proceder a súa convocatoria.

#### **Base 1. Obxecto**

O obxecto destas bases é a oferta de prazas para tratamentos termais con e sen estancia na provincia de Lugo dentro do programa de Benestar Social da Deputación de Lugo denominado "LugoTermal", así como, proceder a súa convocatoria.

A tal efecto enténdese por establecementos balnearios da provincia de Lugo aqueles que empreguen as augas mineromedicinais declaradas de utilidade pública con fins terapéuticos e preventivos para a saúde, segundo a Lei 5/1995, de 7 de xuño, de regulación das augas minerais, termais, de manancial e dos establecementos balnearios da Comunidade Autónoma de Galicia e se atopen nalgún dos concellos desta provincia.

#### **Base 2. Participantes**

Poderán ser persoas beneficiarias do programa de Benestar Social da Deputación de Lugo "LugoTermal" en establecementos balnearios, participantes no programa, da provincia de Lugo aquelas que reúnan os seguintes requisitos na data na que solicite a participación no programa:

- a) A persoa solicitante titular do Programa deberá cumprir os requisitos de **estar empadroadado nalgún dos concellos da provincia de Lugo e ser maior de 55 anos**, cumpridos no momento de efectuar a solicitude.. A persoa solicitante titular, poderá participar cunha persoa acompañante que non ten por que cumprir os requisitos contemplados neste parágrafo .
- b) Valerse por se mesmo para as actividades da vida diaria e estar en condicións de participar no programa, excepto no caso de que acudan cun fillo ou filla en calidade de acompañante.



- c) Non padecer alteracións do comportamento que podan afectar á normal convivencia nos establecementos, ni padecer enfermidade transmisible con risco de contaxio.
- d) Carecer de contraindicación médica para a recepción dos tratamentos termais.

### **Base 3. Prazas convocadas**

Convócanse para participar no programa “LugoTermal” as prazas reflectidas no anexo II na modalidade A, tratamentos con estancia, así como, na modalidade B, tratamentos sen estancia, que se levarán en diferentes quendas e establecementos termais da provincia de Lugo durante o período comprendido dende a aprobación e entrada en vigor das presentes bases ata o 30 de xuño 2020. En todo caso o a prestación dos servizos termais estará supeditado á expediente de contratación (EXP0027SE18-NSO).

### **Base 4. Servizos e prestacións ofertados**

Modalidade A, tratamentos con estancia:

- a) Serán estancias, nos establecementos termais da provincia de Lugo que participen no programa, de 6 días e 5 noites en réxime de pensión completa, tendo e conta que con carácter xeral as entradas efectuaranse os domingos e as saídas os venres, tendo a cea o día de entrada e o almorzo e xantar o día de saída.
- b) Con carácter xeral cada persoa participante do proxecto “LugoTermal” e por estancia terá 5 días de tratamento nos cales se lles aplicará un mínimo de 10 tratamentos, podendo ser ampliado por cada establecemento termal. En todo caso, non se aplicarán as técnicas termais, cando estea contraindicado polo persoal médico do establecemento termal correspondente, ou cando o usuario así o solicite expresamente, tendo que facilitarlle o balneario algunha alternativa, sempre que sexa viable e posible.
- c) Os tratamentos termais realizaranse utilizando as técnicas específicas de cada modalidade terapéutica concertada, adecuadas á circunstancia persoal de cada participante, en función da tolerancia e características do mesmo, e sempre baixo prescrición facultativa e seguimento médico.
- d) As persoas participantes terán un recoñecemento médico previo á aplicación das técnicas termais, co obxecto de coñecer a súa situación médica inicial e prescribir o tratamento termal mais axeitado. O persoal médico do establecemento termal deberá efectuar un correcto seguimento dos tratamentos/técnicas termais co obxecto de controlar a evolución nos participantes, con especial vixilancia daquelas persoas que padecen enfermidades crónicas ou se atopan en tratamento farmacolóxico que puidera verse afectado por estas técnicas termais. Realizarase un último control médico emitíndose un informe, a petición da persoa usuaria, no que se describan tódalas características do tratamento efectuado, a evolución durante o mesmo, así como, as posibles recomendacións.
- e) Teranse en conta as características dos participantes do programa á hora de confeccionar os menús, tendo en conta que as persoas que por prescrición facultativa requiran menú de réxime e así o acrediten, disporán dun



menú especial. En todo caso o servizo de manutención poderase realizar en réxime de autoservizo ou con servizo en mesa. Se o establecemento optase polo autoservizo, deberá de prever persoal de apoio para as persoas usuarias que o precisen.

- f) O tipo de almorzo será, como mínimo, o denominado “continental”, composto por café e/ou infusións, zume, pastelería variada e tostadas, aceite de oliva, manteiga e marmeladas; os menús serán variados, ofertando, polo menos, dúas modalidades diferentes, tanto para o primeiro como para o segundo prato e sobremesa.
- g) Os menús do xantar e da cea incluírán viño de mesa de calidade media e auga embotellada ou a propia do balneario, cando esta teña sido declarada oficialmente como auga mineromedicinal de utilidade pública e apta para a bebida, sobre todo se é para os tratamentos dos aparatos dixestivo, renal ou vías urinarias.
- h) Os establecementos participantes deberán cumprir os requisitos de accesibilidade, dispor de teléfono e de cuartos para compartir, con baño completo ou ducha, auga quente e calefacción, no suposto de concertarse prazas para meses nos que este servizo é necesario.
- i) Realizarase a limpeza diaria das habitacións. O servizo de toallas mudarase tódolos días, tendo en conta ás políticas de protección do medio ambiente. A roupa da cama cambiarase, polo menos, dúas veces por estancia.
- j) O programa termal se complementarase cun programa de animación sociocultural.
- k) As persoas beneficiarias que estean interesadas en aloxarse en habitación individual, no caso de que houberse dispoñibilidade, teranse que facer cargo da diferenza do custo que supoña, e as que precisen dalgún tipo de apoio ou dieta especial terano que indicar no momento de presentar a solicitude e acreditarlo ao incorporarse á quenda.
- l) As persoas beneficiarias que estean interesadas en participar nas excursións ou actividades con custo adicional que organice o establecemento termal ou hostaleiro, deberán de facer polos seus propios medios e ao seu cargo.
- m) O desprazamento desde o domicilio ata o establecemento termal así como o de regreso correrá a cargo das persoas beneficiarias.
- n) No caso de contratar os participantes de "LugoTermal" outras técnicas ou tratamentos termais complementarios e non incluídos nas técnicas que sufraga a Deputación de Lugo, os establecementos aplicarán descontos sobre as súas tarefas oficiais.
- o) Existirá a posibilidade de prolongar a súa estadía no establecemento termal tras rematar a súa estancia ao abeiro do Programa, cun prezo especial, en virtude da dispoñibilidade do establecemento, non estando sufragado dita ampliación pola Deputación de Lugo.



#### Modalidade B Termalismo sen estancia

- a) Trataríase de recibir como mínimo 30 técnicas termais durante dez días (con carácter xeral de luns a venres), sen estancia nos establecementos termais da provincia de Lugo.
- b) Os tratamento termais realizaranse utilizando as técnicas específicas de cada modalidade terapéutica concertada, adecuadas á circunstancia persoal de cada participante, en función da tolerancia e características do mesmo, e sempre baixo prescrición facultativa e seguimento médico.
- c) As persoas participantes terán un recoñecemento médico previo a aplicación das técnicas termais, co obxecto de coñecer a súa situación médica inicial e prescribir o tratamento termal mais axeitado. O persoal médico do establecemento termal deberá efectuar un correcto seguimento dos tratamentos/técnicas termais co obxecto de controlar a evolución nos participantes, con especial vixilancia daquelas persoas que padecen enfermidades crónicas o se atopan en tratamento farmacolóxico que puidera verse afectado por estas técnicas termais. Realizarase un último control médico emitíndose un informe, a petición das persoas usuarias, no que se describan tódalas características do tratamento efectuado, a evolución durante o mesmo, así como, as posibles recomendacións.
- d) O desprazamento desde o domicilio ata o establecemento termal así como o de regreso correrá a cargo das persoas participantes.

#### Base 5. Prezo das prazas

##### Modalidade A Termalismo con estancia:

Esta modalidade do Programa tería un custe total máximo de 250,00€ (prezo con IVE) por persoa usuaria e estancia, dos cales a Deputación de Lugo sufragaría como máximo 60,50€ (prezo con IVE) e os restante 189,50€ (prezo con IVE) correrá a cargo da persoa participante.

O citado importe é prezo cerrado para todos os servizos incluídos no programa, sen que proceda efectuar dedución algunha se por calquera causa imputable á persoa beneficiaria esta non desfrutase da totalidade de dito servizos.

##### Modalidade B Termalismo sen estancia

Esta modalidade do Programa tería un custe total máximo a sufragar polos participantes de 200,00€ (prezo con IVE). O citado importe é prezo cerrado para todos os servizos incluídos no programa, sen que proceda efectuar dedución algunha se por calquera causa imputable á persoa beneficiaria esta non desfrutase da totalidade de dito servizos.

#### Base 6. Presentación de solicitudes



A solicitude, presentarase conforme ao modelo oficial que figura no Anexo I, dirixíndoa ao Sr. Presidente da Deputación de Lugo e presentándoa, preferentemente no Rexistro Xeral da Deputación de Lugo ou ben por calquera dos medios previstos no artigo 16 da Lei 39/2015, de 1 de outubro, do Procedemento Administrativo Común das Administracións Públicas.

O prazo para presentar a solicitude será dende o día seguinte á publicación da convocatoria no Boletín Oficial da Provincia, quedando aberta o prazo ata o remate do programa ou ata que se esgoten as prazas convocadas.

Existen impresos normalizados establecidos ó efecto que poderán obter por medios electrónicos na páxina principal da web da Deputación Provincial de Lugo ([www.deputacionlugo.gal](http://www.deputacionlugo.gal)).

#### **Base 7. Solicitudes e documentación complementaria necesaria para a súa tramitación.**

- As solicitudes formuláranse no modelo oficial que se indica no **anexo I** destas bases, tendo que acompañalos dunha fotocopia do DNI ou NIF da persoa interesada en participar, ou documento que regulamentariamente o substitúa e do seu acompañante se fora o caso.
- As solicitudes deberán ter os elementos básicos expresados no artigo 66 da lei 39/2015, de 1 de outubro, do procedemento administrativo común das administracións públicas.
- Sempre que se realice a presentación de documentos separadamente da solicitude deberase indicar o procedemento que ocupa, o código de expediente, se se dispón do mesmo. Cando menos, deberase facer constar que pertence a unha solicitude xa presentada.
- A Deputación de Lugo, poderá, se así o considera necesario, solicitar documentación as persoas interesadas e realizar as comprobacións e verificacións que considere oportunas acerca dos datos e documentos presentados polas persoas solicitantes, con especial mención ao empadramento.
- A presentación das solicitudes supón a aceptación das condicións do programa, requisitos e obrigas fixados nel, ademais a concorrencia neste procedemento implica a manifestación tácita de consentimento inequívoco ao tratamento de datos de carácter persoal e a súa publicación consonte co previsto na Lei Orgánica 3/2018, do 5 de decembro, de Protección de Datos Persoais e garantía dos dereitos dixitais A finalidade da recollida e tratamento dos datos de carácter persoal será estritamente tramitación dos expedientes.

#### **Base 8. Instrución**

O Servizo de Benestar Social e Igualdade será quen procederá a revisar as solicitudes e maila documentación presentada. No caso de estar incompleta, conter erros ou non achegar toda a documentación requirida, poderase reclamar aos solicitantes que emenden os defectos apreciados, de conformidade ao artigo 68 da Lei 39/2015, de 1 de outubro, do Procedemento Administrativo Común das Administracións Públicas, outorgándolles un prazo de dez días hábiles, dende a notificación do requirimento, con indicación expresa de que se transcorridos estes días sen que se efectúe a emenda, procederase a ter por desistida a súa petición e ao arquivo da mesma, despois da correspondente



resolución. Así mesmo, realizaránse de oficio cantas actuacións se estimen necesarias para a determinación, o coñecemento e a comprobación dos datos que constan na solicitude.

A incorporación nas listaxes de participación das persoas solicitantes farase atendendo ao número de entrada asignado polo Rexistro Xeral da Deputación de Lugo, con independencia dos medios previstos no artigo 16 da Lei 39/2015 que a usuaria puidera utilizar para rexistrar a solicitude. En todo caso, só unha vez completa a solicitude, remitirase aos establecementos termais, para a asignación da quenda oportuna, que será acordada entre o establecemento elixido e as persoas solicitantes, tendo en conta as preferencias destas, e a dispoñibilidade dos establecementos, así como, co recollido nas presentes bases.

Unha vez confirmadas as datas de participación entre as persoas usuarias e os establecementos termais, estes remitirán ditos datos á Deputación de Lugo para proceder á súa aprobación definitiva, cunha antelación de cando menos dez días. Só en casos excepcionais ou xustificados, poderase reducir este prazo.

Aquelas persoas usuarias que sexan chamadas e non acepten as condicións ofertadas ou rexeiten participar no programa deberán comunicar dita decisión á Deputación de Lugo, para que estes sexan eliminados da lista de agarda e podan concorrer outros solicitantes as prazas que ata ese momento constarán reservadas para esas persoas. No caso de non proceder a comunicación da anulación, poderase penalizar coa non concorrencia novamente.

O recoñecemento a participación efectiva no Programa será por aprobación mediante Resolución da Presidencia da Deputación de Lugo. Contra a indicada resolución, que esgota a vía administrativa, cabe interpoñer os seguintes recursos, sen prexuízo dos cales os interesados poderán exercer calquera outro que consideren procedente: recurso potestativo de reposición no prazo dun mes contado a partir do día seguinte ao da notificación ou publicación da resolución, perante o mesmo órgano que adoptou a resolución, de acordo co disposto nos artigos 123 e 124 de la Lei 39/2015, de 1 de outubro, do Procedemento Administrativo Común das Administracións Públicas ou directamente recurso contencioso- administrativo no prazo de dous meses, perante o Xulgado Contencioso Administrativo de Lugo, computado a partir do día seguinte ao da notificación ou publicación da resolución.

#### **Base 9. Comunicación aos interesados**

Todas as comunicacións aos interesados realizaranse de conformidade co establecido no artigo 42 e 43 da Lei 39/2015, do 1 de outubro, do Procedemento Administrativo Común das Administracións Públicas, os actos e comunicacións relativas ao Programa que procedan en virtude do procedemento administrativo, faranse públicas no taboleiro de Anuncios da Deputación e na páxina [www.deputacionlugo.org](http://www.deputacionlugo.org) xurtindo a publicación os mesmos efectos que a notificación.

#### **Base 10. Confirmación das prazas e lista de espera**

Unha vez notificada a concesión da praza, para poder facer uso dela, as persoas beneficiarias terán a obrigaçión de asinar unha conformidade nominativa, que será facilitada pola Deputación de Lugo, para a súa presentación no establecemento Termal na quenda correspondente e que lle acreditará como participante do Programa.



As persoas solicitantes que, cumprindo os requisitos establecidos para participar no presente programa, non obteñan praza, quedarán incluídas nunha listaxe de agarda, e serán chamadas por rigorosa orde de rexistro-validación da solicitude, segundo queden vacantes dispoñibles na opción elixida.

Cando a persoa solicitante titular sexa chamada tres veces e non se obteña resposta, poderá o Servizo de Benestar e Igualdade pasar ao seguinte da listaxe, co fin de axilizar o procedemento, sen que isto supoña a expulsión da listaxe para a primeira.

Existirá a posibilidade de que calquera participante do proxecto "LugoTermal" poda volver a participar no mesmo, sempre e cando existan prazas sen cubrir e non exista lista de espera. En último termo, os novos solicitantes sempre terán prioridade sobre estes.

#### **Base 11. Renuncia á praza.**

No caso de que a persoa beneficiaria renuncie á praza outorgada no Programa "LugoTermal" deberá comunicalo por escrito empregando a declaración de renuncia, modelo adxunto como anexo III, no prazo de 10 días contados a partir da notificación do outorgamento á Deputación Provincial de Lugo. De non presentarse a renuncia no prazo establecido será motivo de exclusión directa para novas solicitudes. As persoas participantes non poderán volver a optar a novas solicitudes deste programa, salvo que a renuncia se xustifique axeitadamente (problemas de saúde, familiares...).

A persoa beneficiaria no caso de non poder acudir o día de entrada no establecemento balneario asignado, deberá comunicar tal circunstancia ao mesmo coa máxima prema, podendo facelo telefonicamente, así como, con posterioridade á Deputación de Lugo, o mais cedo posible para a persoa beneficiaria.

A persoa beneficiaria que tivera outorgada a praza e non se presentase no día e establecemento asignado perderá o dereito a participar neste programa ao abeiro da resolución que lle concedía este dereito.

#### **Base 12. Perda da condición de beneficiario/a do programa**

Ademais das circunstancias establecidas na base 8 das presentes bases, tamén perderán a condición de persoa beneficiaria participante do programa aquelas que non abonen ao establecemento termal, o importe da cantidade estipulada para a praza que se lle outorgou.

A consignación ou achega de datos ou documentos falseados ou inexactos para a obtención das prazas reguladas polas presentes bases, implicará a cancelación da praza obtida, no suposto de que non se participase na quenda, ou a obriga, por parte da persoa interesada, de abonar o prezo real da praza, sen prexuízo das accións que procedan na aplicación da normativa vixente, si xa desfrutara a quenda.

O Presidente, P. D. Decreto de data 26-07-2019 o deputado delegado de Promoción Económica e Social, Pablo Rivera Capón (asinado dixitamente)





**ANEXO I SOLICITUDE  
(ACOMPÑAR CON FOTOCOPIA DO DNI)**

**1. DATOS PERSOA TITULAR SOLICITANTE**

<b>NOME</b>	<b>PRIMEIRO APELIDO</b>	<b>SEGUNDO APELIDO</b>
<b>DNI</b>	<b>DATA DE NACEMENTO</b>	<b>CONCELLO NO QUE SE ATOPA EMPADROADO</b>

**1.1 DATOS DE CONTACTO A EFECTOS DE NOTIFICACIÓN****DOMICILIO (RÚA, NÚMERO, ESCALEIRA..)**

<b>CÓDIGO POSTAL</b>	<b>CONCELLO</b>	<b>TELÉFONO/S DE CONTACTO</b>	<b>OU</b>
----------------------	-----------------	-------------------------------	-----------

**1.2 PREFERENCIAS**

<b>MODALIDADE</b>	<b>ESTABLECEMENTO TERMAL DE PREFERENCIA 1</b>	<b>ESTABLECEMENTO TERMAL DE PREFERENCIA 2</b>
	<b>MESES DE PREFERENCIA</b>	<b>OU</b>

**1.3 DECLARACIÓN RESPONSABLE DO TITULAR, DECLARO** baixo a miña responsabilidade que son certos os datos que consigno na presente solicitude, manifestando que quedo informado/a da obriga de comunicar á Deputación de Lugo calquera variación que dos mesmos puidera producirse no sucesivo, así como:

- Que **SI** me valgo por min mesmo/a para as actividades da vida diaria.
- Que **SI** estou en condicións de participar no programa LugoTermal.
- Que **NON** presento alteracións do comportamento que me impidan a convivencia nos establecementos termais.
- Que **NON** padezo enfermidade transmisible con risco de contaxio.
- Que **NON** teño contraindicación médica para a recepción dos tratamentos termais e **ACEPTO** as bases do programa LugoTermal

Para información adicional relativa á protección dos seus datos, por favor, consulte o enlace web seguinte:

[http://deputacionlugo.gal/rexistro\\_actividades\\_tratamento/servizo\\_termalismo](http://deputacionlugo.gal/rexistro_actividades_tratamento/servizo_termalismo)

INFORMACIÓN BÁSICA SOBRE A PROTECCIÓN DOS SEUS DATOS	
<b>RESPONSABLE</b>	Deputación de Lugo
<b>RESPONSABLE</b>	Benestar Social e Igualdade
<b>FINALIDADE</b>	Servizo de prevención da dependencia a través do envellecemento activo. O obxecto é facilitar a asistencia, aos tratamentos que nos balnearios se prestan, ás persoas maiores de 55 anos, para que estas reciban tratamentos termais por prescripción facultativa, cuxo fin sexa a prevención, a rehabilitación dunha doenza ou a prevención e/ou curación
<b>LEXITIMACIÓN</b>	RGPD: 6.1.e) Tratamento necesario para o cumprimento dunha misión realizada en interese público ou no exercicio de poderes públicos conferidos ao responsable do tratamento. Lei 8/1989, de 15 de xuño, de delimitación e coordinación das competencias das Deputacións Provinciais de Galicia
<b>DESTINATARIOS</b>	Outras administracións
<b>Dereitos</b>	Acceso, rectificación, supresión, oposición, limitación do tratamento e, no seu caso, oposición e portabilidade dos datos
<b>Procedencia</b>	O propio interesado ou o seu representante legal

En \_\_\_\_\_ a \_\_\_\_\_ de \_\_\_\_\_ de \_\_\_\_\_

**Asinado (a persoa titular:**

**2.DATOS DA PERSOA ACOMPAÑANTE****NOME****PRIMEIRO APELIDO****SEGUNDO APELIDO****DNI****DATA DE NACEMENTO****TELEFONO DO ACOMPAÑANTE**

**2.1 DECLARACIÓN RESPONSABLE DA PERSOA ACOMPAÑANTE** , DECLARO baixo a miña responsabilidade que son certos os datos que consigno na presente solicitude, manifestando que quedo informado/a da obriga de comunicar á Deputación de Lugo calquera variación que dos mesmos puidera producirse no sucesivo, así como:

-Que **SI** me valgo por min mesmo/a para as actividades da vida diaria.

-Que **SI** estou en condicións de participar no programa LugoTermal.

-Que **NON** presento alteracións do comportamento que me impidan a convivencia nos establecementos termais.

-Que **NON** padezo enfermidade transmisible con risco de contaxio.

-Que **NON** teño contraindicación médica para a recepción dos tratamentos termais e **ACEPTO** as bases do programa LugoTermal

Para información adicional relativa á protección dos seus datos, por favor, consulte o enlace web seguinte:

[http://deputacionlugo.gal/rexistro\\_actividades\\_tratamento/servizo\\_termalismo](http://deputacionlugo.gal/rexistro_actividades_tratamento/servizo_termalismo)

INFORMACIÓN BÁSICA SOBRE A PROTECCIÓN DOS SEUS DATOS	
<b>RESPONSABLE</b>	Deputación de Lugo
<b>RESPONSABLE</b>	Benestar Social e Igualdade
<b>FINALIDADE</b>	Servizo de prevención da dependencia a través do envellecemento activo. O obxecto é facilitar a asistencia, aos tratamentos que nos balnearios se prestan, ás persoas maiores de 55 anos, para que estas reciban tratamentos termais por prescrición facultativa, cuxo fin sexa a prevención, a rehabilitación dunha doenza ou a prevención e/ou curación
<b>LEXITIMACIÓN</b>	RGPD: 6.1.e) Tratamento necesario para o cumprimento dunha misión realizada en interese público ou no exercicio de poderes públicos conferidos ao responsable do tratamento. Lei 8/1989, de 15 de xuño, de delimitación e coordinación das competencias das Deputacións Provinciais de Galicia
<b>DESTINATARIOS</b>	Outras administracións
<b>Dereitos</b>	Acceso, rectificación, supresión, oposición, limitación do tratamento e, no seu caso, oposición e portabilidade dos datos
<b>Procedencia</b>	O propio interesado ou o seu representante legal

En \_\_\_\_\_ a \_\_\_\_\_ de \_\_\_\_\_ de \_\_\_\_\_ .

**Asinado (a persoa acompañante) :**

**SR. PRESIDENTE DA DEPUTACIÓN PROVINCIAL DE LUGO**



## ANEXO II

Ofértanse prazas de termalismo nos seguintes destinos, quedando os mesmos subordinados ao expediente de contratación (EXP0027SE18-NSO).

ESTABLECEMENTO/ ADXUDICATARIO	PROGRAMA CON ESTANCIA 6 DÍAS 5 NOITES, 2019/2020					PROGRAMA SEN ESTANCIA, 10 DÍAS DE LUNS A VENRES 2019/2020			
	<i>Ata o</i> 26.11.2019	<i>Dende o</i> 27.11.2019 <i>ata</i> 30.06.2020	<i>Achega</i> <i>usuaria IVE</i> <i>engadido</i>	<i>Achega</i> <i>Deputación</i>	<i>Técnicas</i>	<i>Ata o</i> 26.11.2019	<i>Dende o</i> 27.11.2019 <i>ata</i> 30.06.2020	<i>Achega</i> <i>usuaria IVE</i> <i>engadido</i>	<i>Técnicas</i>
	<i>Núm.</i>	<i>Núm.</i>			<i>Núm.</i>	<i>Núm.</i>	<i>Núm.</i>		<i>Núm.</i>
Balneario y Termas De Lugo, S.L	1	50	189,50 €	60,50 €	15	49	120	200,00 €	30
Balneario de Rio Pambre, S.L.	101	180	189,50 €	60,50 €	20	16	20	200,00 €	40
Hotel Balneario Augas Santas, S.L	105	730	189,50 €	60,50 €	20	13	20	200,00 €	40
<b>TOTAL</b>	<b>207</b>	<b>960</b>	<b>189,50 €</b>	<b>60,50 €</b>		<b>78</b>	<b>160</b>	<b>200,00 €</b>	



**Anexo III**

**Declaración renuncia á praza LugoTermal**

D./D<sup>a</sup>.

Con DNI/NIF

na miña condición de beneficiario do programa LugoTermal

Renuncio a praza outorgada na entidade.....

En \_\_\_\_\_, a \_\_\_\_\_ de \_\_\_\_\_ de 20\_\_

(sinatura )

**SR. PRESIDENTE DA DEPUTACIÓN PROVINCIAL DE LUGO.**